



ШКОЛЬНИКЛӨН
БИБЛИОТЕКА



М. Н. ЛЕВЕДЕВ

ТУЛЫС



М. Н. ЛЕБЕДЕВ

ТУЛЫС

Кывбуръяс.
Басняяс

КОМИ КНИЖНОЙ ИЗДАТЕЛЬСТВО

Сыктывкар 1977

С (коми)

Л 13

Л 13 **Лебедев М. Н.** Тулыс. Кывбуръяс. Басняяс. Коми книжнӧй издательство. Сыктывкар, 1977.

40 лб.

Книгаӧ пырисны коми советскӧй литература подув пуктысь Михаил Николаевич Лебедевӧн кывбуръяс да басняяс, кодъясӧс суйӧма начальнӧй коми школалӧн учебнӧй программаясӧ, а сіджӧ индӧма гортын асшӧр лыддьӧм выль.

С (коми)

© Коми книжнӧй издательство, 1977.

Кывбуръяс

Тулыс

Гажа тулыс воис,
Гөгөр жургө шор.
Шонді лымсö сёйис,
Ловзис пулөн кор.

Ю кузя йи кывтö —
Тувсов ва оз узь.
Югыд енэж вывтi
Лэбзьö дзодзöг, юсь.

Гожöм абу ылын.
Эжа лои веж.
Челядь ва дор вылын
Ворсöны лун чöж.

Ва дорын бур нывъяс
Сьылöны быд вой;
Мусукъяслөн кывъяс
Лоöны зэв збой..

Кодлы колö кöдзны —
Лöсьöдöны гөр.
Весьшөрö оз жöдзны,
Виччысьöны зэр.

Пöрысь пöль мый керö?
Сирөн мавтö пыж.
Шонді улын вөрö,
Копыртöма мыш.

Тулыс мортлы шуис:
«Гажöдчы, бур вок!»
Ылö-ылö нуис
Сiйö йöзлысь шог.

СМЕЛДЖЫКА, ВОКЪЯСӨЙ, ВЕТЛОЙ

Смелджыка, вокъясөй, ветлой!
Кось вылын ёнмөдчим ми.
Вөлясө аддзис и босьтис
Уджалысь войтырлөн ки.

Мырсьысьяс шөрысь ми петім,
Мывкыдным абу нин нэр.
Өтувъя олөм да вөля —
Миянлы меддонатор.

Дыр нин ми сьөкыда олим,
Тшыгъялим, коньбөръяс, дыр.
Колины кымөра лунъяс,
Воис зэв бур олан дыр.

Вермасьны важыскөд колө.
Прөста мед некод оз ов.
Гөльлунысь, лөклунысь өні
Уджалысь войтыр оз пов.

Врагыс кө зырөдны пондас,
Судзяс на сы вылө вын.
Пыр миян ёнлунным содө,
Смеллунным некор оз чин.

Тэысь ми, враг, огө полөй,
Пиньястө жергөд көть эн.
Тэ вөльной өтувтчөм йөзөс
Некор он повзьөд, он вен.

Смелджыка, вокъясөй, ветлой!
Кось вылын ёнмөдчим ми.
Вөлясө чорыда кутө
Сөветса войтырлөн ки!

КОМИ МУ

Коми му кузя ме муна.
Гөгөр сулалө сьөд вөр.
Вөрыс вывті-вывті уна,
Сыысь унаыс оз төр.

Аддза: сәні шылыыд пожөм
Вылө ләптө асьыс юр.
Сылы өткодь төв көть гожөм,
Сәтшөм пуыс тайө бур.

Сэни быттё пöрысь пöчö
Дзормöм кыпöдчöма коз.
Сийö увъяс костын вöчö
Вöрса пöтка шоныд поз.

Сэни вашкöдчöны гора
Пипу чойкöд еджыд кыз,
Мыйкö сёрнитöны нора,
Корнас шенасьöны сиз.

Сэни сус пу гöгрöс бока,
Сэни пелысь, сэни льöм.
Тани бадьяс вöсни кока
Ва дор пöлөн уна эм.

Вöрыс помтöм. Туйыс кöни?
Зонмö, яг пиад эн вош.
Аддза тани, аддза сэни
Ыджыд тапикасьö ош.

Ветлö кöин, пиньсö йирö,
Корсьö аслыс кынöмпöt.
Наян ручыс гуö пырö,
Бурөн некодлы оз шед.

Кöчыс дзедсьö лөпъяс сайö,
Видзö ассыйс дона юр.
Öдийö-өдийö пуö кайö
Паськыд бöжа ичöt ур.

Дозмөр пувсö зиля сөйö,
Гөгөр жуö сьöла, тар.
Тури кокнас нюрсö лойö:
Абу муса сылы ар.

Аддза: пищальöн со муно
Сьöла кыйны коми морт,
Гортса олөм сылөн вунö,
Ылö кольöма нин горт.

Туйтөг öтнас ветлö сийö,
Вöрын нинöмысь оз пов.
Уна вöрса пöтка кыйö,
Уна зверлысь босьтö лов...

Муна водзö, муна ылö,
Оз и помась пемыд вөр.
Кöнкö гора сёрни кылö,
Бриньгö пила, клёнгö чер.

Аддза: сортовка кер лэдзö
Том и пöрысь коми йöз,
Мича шпалсö зiля вöчö,
Тэчö юяс дорö пес.

Бöла войтыр сэни жуö,
Трактор муркöдчö лунтыр:
Кыксё керйөн öтпыр нуö
Гора шыбн ветлигтыр.

Оз кыв сэни видчём, мургём,
Лёкысь горöдлём оз кыв,
Сöмын уджалысьлөн юргö
Кыпыд, гажа ссыланкыв...

Паськыд туй вылö ме пета.
Аддза: вежсис туйлөн сер,
Кöть и важ моз шувгö сэтөн
Кыкнан бокас пемыд вөр!

Бөр и водз пыр ветлö сэни
Уна сё автомобиль,
Вёлөн мунысьясöс венö,
Быд лун локтö выльысь-выль.

Муна водзö... Тулыс воö.
Лымйыс сылö, киссьö зэр.
Кöдзыд йисö шондi сёйö.
Ойдö уналатi вөр.

Ваын сулалöны пуяс.
Ваыс зеркала кодь лöнь.
Эжва, Сыктыв, коми юяс,
Быттö паськыд эзысь вöнь.

Аддза: трактор мусö гөрö.
Коми войтыр кöдзö нянь.
Тувсов уджсö быдөн керö.
Жургём тракторлөн оз ланьт.

Тайо трактор — абу диво,
Абу диво — паськыд йор:
Йозыс оло коллективон,
Лек пу горйон оз нин гор...

Бара водзо, водзо муна.
Гогор сулало съод вор.
Ворыс вывти-вывти уна,
Сыысь унаыс оз тор.

ЮГДИС НИН, ВОКӨЙ

Югдiс нин, вокöй,
Матыстчис лун,
Лэптысис шондi...
Уджавны мун!

Вынто эн жалит,
Водзо эн видз,
Уджавны колö
Зильджыка сiдз.

Сой тэнад зумыд.
Вежöрыд бур.
Оз тэнад важ моз
Копырвидз юр.

Аддзан тэ ачыл:
Помасис вой...
Кыпöдчы, вокöй,
Веськöдлы сой!

Тодан, мый шулис
Бур Ленин ёрт:
«Уджтö эн вунöд,
Уджалысь морт!»

Абутöм енлысь
Отсöг эн кор.
Уджтöг оз артмы
Дзик нинöмтор.

Сьөлөмсьыд уджав,
Муркөдчы век.
Пөрысьман — бура
Шойччыштан сэк...

Югдiс нин, вокöй,
Матыстчис лун,
Лэптысис шондi...
Уджавны мун!

ВОГӨГӨРСЯ ОЛӨМ

1. Тулыс

Заводитiс шондi
Төвлысь вежны лад,
Яра сотны пондiс,
Воис тувсов кад.

Көдзыд лун-вой быри,
Сылис еджыд лым,
Юыс ваөн тыри,
Гымалө нин гым.

Надзөнникөн киссьө
Муяс вылө зэр.
Сулалө да мыссьө
Зэрнас пемыд вөр.

Нимкодясьө сэтөн
Небыд коръя кыз.
Мича турун петө,
Вежөдөма видз.

Мөдлапöлын кылө
Утка, дзодзөг, юсь.
Колипкай нин сьылө,
Колипкай оз узь.

Зiля гөрө, көдзө
Муяссө колхоз.
Трактор вылө пöчө
Дзоргө шензигмоз.

Челядь котыр ворсө,
Котралө лунтыр.
Тувсов гажа горсө
Кылан сэнi дыр.

2. Гожом

Вылө шонді кайө,
Ёрө йөзлысь син.
Жарыс сылөн вайө
Мулы ыджыд вын.

Быдмө, йывмө йөрын
Картупель да лук.
Няныс зэрөм бөрын
Лэптысьөма сук.

Вөччөмаөсь пуяс,
Паськөм налөн веж.
Ляпкалөны юяс,
Содө лыа бөж.

Видзьяс вылын пуө
Уджыс лун и вой.
Ытшкысь, куртысь жуө,
Вына налөн сой.

Мича турун вөчө
Өтувтчөм бур йөз,
Зорөдьясө тэчө —
Пөтөсь вөв да мөс.

Бөрын уна вотөс:
Мырпом, пув да чөд.
Шонді найөс сотө,
Кисьмыштасны мед.

Няныс быдмө, кайө,
Сьөктө сылөн юр.
Гожом мортлы вайө
Уна пөлөс бур.

3. Ар

Шонді мыйкө дышмис,
Чинтис ассьыс өд,
Гожся моз оз ышмы,
Ыджыд жар оз сет.

Рудов кымөр чукөр
Панлө сыкөд вен.
Шонділөн гөрд югөр
Вошлывлө нин сэн.

Мукөд дырйи зэрө,
Мукөд дырйи — пуж,
Видзөдлан кө йөрө,
Градъясыд нин куш.

Колхозса бур войтыр
Идралө бур нянь.
Төждысян кө voidөр,
Олөм лоас шань.

Рыныш дорын кылө
Гора вартан шы.
Лэптысьома вылө
Арся уджлөн гы.

Вартөм бөрын позьө
Кыйны сьола-ур,
Зверкөд пырны косьө,
Пищальыд кө бур.

Луныс көть и чинө,
Няйтыс көть оз быр,
Жугыльтчыныд нинөм,
Йөртөдыд кө тыр.

4. Төв

Югыд шонді төдө:
Эштіс арся удж.
Ээв нин сөрөн петө,
Ветлө өти сутш.

Лэптысьө и лэччө,
Кусө пырысь-пыр,
Аски дыша чеччө,
Узьө вывті дыр.

Луныс быри, воши.
Помтөм лои вой.
Локтіс еджыд тоша
Көдзыд, би кодь збой.

Дорис юяс, шоръяс,
Вөчис йиа пос,
Чирсіс пулысь коръяс,
Лои гөгөр кос.

Потшӧс пӧлӧн тола
Пукталӧ тӧв ныр.
Шоныд сиктса школа
Велӧдчысьӧн тыр.
Кӧдзыдысь оз повзы
Ыж ку пася морт.
Керкаын оз овсы,
Дзескыд сылы горт.
Вӧрӧ сійӧ мунӧ
Лӧдзны шпал да кер.
Тӧвся уджыс уна,
Сӧмын зӧля вӧр.

ШОНДИА ЛУН

Визувтӧ паськыда, лӧня
Югъялигтыр Эжва ю.
Бытьӧкӧ выль эзысь вӧня
Пармаса войтырлӧн му.
Шондиыс сы весьтын ворсӧ,
Нюмъялӧ, ёна оз сот.
Ю кузя ветлӧ да горзӧ
Вель уна юсь-пароход.
Ва шӧрти гӧрд рӧма флагӧн
Кывтӧ пур бӧрся пур.
Лӧдзӧма кер коми ягын
Рӧднӧй страналы зӧв бур.
Ю пӧлӧн — муяс да видзьяс.
Налӧн кӧзяин — колхоз.
Ва дорын юргӧны сиктьяс,
Ӧтувйӧн уджалігмос.
Гымалӧ поездӧн мунӧм.
Кылӧ заводлӧн гудок.
Быдторсӧ аддзан сӧн уна,
Сӧмын он аддзывлы шог.
Видзӧдӧ Эжва да шуӧ:
«Со кӧні олӧмлӧн мич!
Шуд коми войтырлӧн туӧ,
Тулысын тула ме кыз!
Дзоргы кӧть ылӧ, кӧть матӧ,
Вывлань кӧть увлань тӧ мун,
Быдлаын выль миян кадӧ
Куслытӧм шондиа лун!»

ГЕРОЙЛОН ГОРТӨ ВОҐМ

Помасис медбөръя бой.
Гымалө победа.

Славной воин, том герой,
Полкысь гортө модө.

Тышъяс дырйи сийө пыр
Вөлі повтөм мортөн.
Морөс вылас, дзирдөн тыр,
Кык медаль да орден.

Со и паськыд Коми му
Син водзас нин сылөн.
Лөня шывгө Эжва ю,
Вөрлөн шыыс кылө.

Со и рөднөй сиктыс, со!
Том геройлы долыд.
Аслас гортө куим во
Сийө өд эз воны.

Кутлө сийөс пöрысь бать,
Мам да дедө Петыр.
Кутлө, радлө сынисады
Даша — муса гөтыр.

Шуис батыс: «Венід ті
Лютөй супостатөс.
Чолөмалам тэнө ми —
Сөветскөй салдатөс!

Тані ми, колхозной мир,
Вермөмөн жө петім.
Красной Армиялы пыр
Ыджыд отсөг сетім!»

Воча шуис том герой:
«Та йылысь ме төда.
Став народкөд лун и вой
Дорим ми победа.

Өні бара мирной труд
Сөвет муын пуө.
Өні бара миян шуд
Тувсов ва моз туө!»

Том геройлы долыд зэв,
Рөднөй гортын гажа.
Сийөс окалө сө пөв
Муса гөтыр Даша.

КЫВТӨ ВӨР

Гоҗся шонді улын лөня
Увлань шлывгө Эҗва ю.
Юас видзөдчөны сиктъяс,
Веж колхознөй видз и му.

Эҗва кузя молльөн кывтө
Уна, уна мича кер.
Сійөс мөдөдө страналы
Миян томмөм коми вөр.

Лун и вой пыр водзө мунө
Вөля вылө лэдзөм моль.
Куръя вомъясө оз сетчы,
Лыа бөҗъясын оз коль.

Лэчыд багыръяса войтыр
Туйсө индө сылы пыр.
Мудз оз төдны зільмөм ёртъяс,
Кыпыдлунөн сьөлөм тыр.

Лыблө налөн гажа сьылөм.
Кывлө шмонитана кыв:
«Ноко, ноко, зарни керйөй,
Лючкиджыка водзө кывт!»

Дона Рөдиналы сетны
Ассьыс вынсө быдөн рад,
Мед пыр дзоридзалас олөм,
Кыдзи тувсов кадө сад.

Налөн уджыс ключөн пуө
Эҗва кузя кывтігчөж.
Зіля, зіля друҗнөй войтыр
Вөтлө, весалө моль бөж.

ТРАКТОРИСТ

Фронт вылын танкистөн
Вөлі ме вель дыр.
Өні трактористөн
Уджала ме пыр.

Бура кывзис менө
Бойяс дырйи танк.
Трактор сідз жө өні
Кывзө менө тан.

Муртса рульсө сылысь
Босьтас менам ки.
Вөрзям места вылысь
Грымгигтырйи ми.

Тракторөн ме гөри
Сө кызь гектар му.
Быдмө колхоз йөрын
Зарни ид и сю.

Вундынысө сөмын
Воөм няньсө куж.
Вывті муса меным
Трактор вылын удж!

МИЯН ВӨРЫН

Шувгө, увгө гажа шыөн
Миян паськыд коми вөр.
Некор чөв оз овлы сылөн
Гажа яг выв, парма шөр.

Ар и тулыс, төв и гожөм
Сійө сулалө пыр веж.
Сус пу, ньыв пу, коз и пожөм
Мичаёсь во гөгөр чөж.

Парма пытшкын помся юргө
Ыджыд уджлөн кыпыд гор.
Электропилалөн жургөм
Лунтыр кылө водз и сёр.

Дружнөй войтыр өтув вынөн
Лэдзө Рөдиналы кер.
Уджлысь өд оз торклы
нинөм —
Төвся лым ни арся зэр.

Вдохновеннӧй трудӧн тані
Миян войтыр дорӧ шуд.
Война ӧзтысьяслы паныд
Тайӧ кыпыд мирнӧй труд.

Шувгӧ, увгӧ гажа шыӧн
Миян вӧрным вой и лун,
Дона Рӧдиналы сійӧ
Сетӧ ассьыс озырлун.

МЕД ДЗИРДАЛАС ШОНДИ

Мед дзирдалас шонди!
Мед югъялас луныс!
Мед дзоридзӧн тырас
Да нюмъялас му!

Мед шондилань быдӧн
Пыр восьлалас, мунас!
Мед шонди туйсӧ
Оз вевттьыв съӧд ру!

Ми, уджалысь войтыр,
Зэв кыпыда олам.
Ми жугыля некор
Ог ӧшӧдлӧй ныр.

Кӧть кытчӧ ми мунам,
Москваӧ кӧть волам,
Збой котырӧн повтӧг
Ми ветлӧдлам пыр.

Ми уджалам зіля
И удж вылын сылам.
Кор долыда овсьӧ,
Сэк кыззи он съыв!

Быд карын, быд сиктын,
Быд пельӧсын кылӧ
Том войтырлӧн ворсӧм
Да збой сыланкыв.

Лёк врагысь ми видзам
Рөдимой странаос.
Советской быд сьолөм
Отвагаон тыр.

Ми жугөдим, вөтлим
Фашистской ордаяс.
Европалы вайим
Свобода и мир.

Мед дзирдалас шонди!
Мед югьялас луныс!
Мед дзоридзөн тырас
Да нюмьялас му!

Мед шондилань быдөн
Пыр осьлалас-мунас!
Мед шондиа туйсө
Оз вевттыыв сьод ру!

ВИДЗ ВЫЛЫН

Шондыс дзирдалө, пөжө.
Енэжыс пасьтала лөз.
Идралө мичаон, вежөн
Турунсө уджалысь йөз.

Видз вылын куртөны талун
Зэв уна баба да ныв.
Кышыда удж муно налөн,
Лэбалө збой сьыланкыв.

Сьылөны нывьяс, кыз пуис
Звермом фашистьяскөд бой;
Кыз ёна лыйсьөмла муыс
Тираліс сэк лун и вой;

Кыз мян вын врагос веніс,
Кыз сдایتчис мянлы враг;
Кыз Берлин босьтигөн сәні
Гордөя шпоргис гөрд флаг.

Юр весьтын чикыш кай чивгө,
Вөр дорсянь кылыштө көк.
Син водзын Эжва ю шлывгө,
Эзысь моз югьялө век.

Челядь сэн купайтчө уна.
Жарыс сэн найсс оз сот.
Ю кузя котөртө, мунө
Еджыд да збой пароход.

Мөд пароход гыпкө, ызгө
Ва шөрсө поткөдигмоз.
Увланьө пур сийө кыскө
Өтпырйөн дзонь куим гоз.

Кылис гудок кустьяс сайын,
Дыр сылөн шыыс эз лөнъ.
Электростанция тайө
Уджалө, буткөдчө сэн.

Мөдлапөв берегын кылө
Тракторлөн уджалан гор.
Шыалө кытөнкө ылын
Автомобильной мотор.

«Со, зонмөй, олөмным миян! —
Гоньгөдис юр Павел дед.—
Оз прөста шуны мем пиян:
Гажнас пө тыр вөльной свет!

Кысь тайө босьтсис да чөжсис?
Та мында выльторйыс кысь?
Кутшөма Коми му вежсис!
Гижан кө, артмас бур висът»...

«Да, өнi мөдногса олөм,—
Төдчөдис том бригадир.—
Удж водзын абу нин полөм,
Абу нин важ ытшкан дыр.

Өнi, со, ытшкө машина,
Муркөдө страднаса удж,
Сөмын эн коль ытшканинас
Весавтөм бадь куст да вутш.

Көн өтка олысьлы бурсө
Помасьтөм мырсьөм оз сет,
Сэни колхоз лэптіс юрсө,
Сэн быдөн озыр и пөт.

Көсйисны немецьяс торкны
Миянлысь шудлун да труд,—
Эз на тай чег миян бордным,
Эз на тай быр миян шуд!»

Павел дед кайтіс: «Ми ставөн
Фронтлы сэк отсасим тан.

Сідз жö ми зільмöдчам таво
Тыртны став удж кузя план!»
Бригадир нюммуніс: «Дедö,
Некор тэ уджысь он пов.
Зільлунтö тэнсьыд ме тöда.
Том на тай, буракö, лов».

«Олöмыд томмöдö öнi,—
Вашмуні дзор Павел дед.—
Сизимдас арöс кöть меным,
Ог на ме удж вылад пöд!»

Збыль, Павел дед вöлі збой на,
Мый кöть и юрсиыс дзор,
Быдсяма удж пöрысь сойнас
Муркöдіс зіля кöть кор.

Юр весьтын гораа мöдіс
Жургыны аэроплан.
Павеллön долыда петіс:
«Бур тэныд туй, шондібан!»

«Сотчан яг кусöдны лэбзьö,—
Чатöртіс юр бригадир.—
Вөр биыд öнi оз дзевсьы,
Аддзасны пырысьтöм-пыр.

Гашкö и висьысьöс нуны
Кытыськö кöсйö пилот.
Смертьыслы сійöс не суны,
Öддзöдлас кор самолёт!..

Ставсö кö сывйыштны синнад,
Сьöлöмыд кызди оз пу!
Тырöма техника выннад
Пармаса войтырлön му.

Сьöд пемыд вөр дзикöдз югдіс,
Паляліс шувгысьлön ун.
Вөр пытшкысь, му пытшкысь
чуктіс

Шудлункöд тшöтш озырлун.

Керсö сё сюрсьясөн лэдзам,
Перъям ми нефть да из шом;
Кöрт туйяс водзö пыр вöчам,—
Важ туйтöминьяслы пом!

Көн коркö ошьясысь повлім,
Öнi сэн юргö завод.
Кыпыда, гажаа олö
Пармаын коми народ.

Шондѳыс лолалө жарөн,
Туруныс мича да кос.
Куртöны, чöвтöны яра
Ас костын ордѳыситмоз.

Зіль йöзлөн шойччöмыс вунö.
Некод оз пуксьывлы сутш.
Гажаа, кыпыда мунö
Видз вылын öтувъя удж.

ПЕРВОМАЙСКОЙ

Тувсов шондѳ дзирдсö койö.
Югыд сылөн чужöмбан.
Тулыс восьлалö зэв збоя
Сьылігтырѳи сэн и тан.

Ваыс туö ёна, ёна.
Ойдѳс ставнас Эжва сай.
Олан-вылан, миян дона,
Миян зарни Первомай!

Сиама став Сöветскöй мулы
Водзö восьлалöм да шуд.
Сиама, мед выль воöм тулыс
Öддзöдас колхознöй труд.

Мед жö тракторист оз мудзлы,
Бура небзьöдас быд йөр.
Сиама кылöдчысьлы-друглы
Нуны местаöдз став вөр.

Нефтяниклы да шахтёрлы
Выль победа сиама ми.
Сиама, уджным мед оз орлы,
Мед оз мудзлы миян ки.

Сиама муяс выльсь таво
Босьтны озыр урожай.
Биа чолöм, честь и слава
Тэныд, зарни Первомай!

КОЛХОЗНОЙ СИКТЫН

Сиктысь сиктö ветлігөн
Аддзан, кыдзи быдлаын
Лөсьыда да гажаа
Олө сиктса морт.
Олө сійö сэтшöма,
Кыдзи сійöс велöдис,
Кыдзи тшöктіс овнысö
Дона Ленин ёрт.

Юр весьтаным дзирдалö
Енэж вывсянь шондіыс,
Шонді улас му вылын
Дзоридзалаң сад.
Сиктса мортлөн сьөлöмыс
Долыдлунөн тырöма.
Сиктса мортлы воöма
Нимкодясян кад.

Петалан кө му вылө,
Оз нин синмад шыбитчы
Омөлик лёк вöv вылын
Гöрысь да пу гөр.
Трактор сэні муркөдчö,
Багатыр моз уджалö,
Важся öтка олысь моз
Му вылас оз дзөр.

Кытшовтан кө видзьяссö
Гожся страдна лунъясö,
Ружтан шыа пессьöмсö
Он нин сэтысь кыв.
Машинаөн ытшкöны,
Машинаөн куртöны,
Кыпыд лолөн сьылöны
Гажа сьыланкыв.

Уджыс эз ло сьökыдөн,
Уджыс эз ло мустöмөн:
Öтув уджсö уджавны
Позьö ворсігмоз.
Мездіс сиктса войтырöс
Нэмövöйся гöльлунысь,
Вайис няньсö, эмбурсö
Миянлы колхоз.

Сикт кузяыс мунан кӧ,
Аддзан, кыдзи сиктыслысь
Сӧветскӧй культураыс
Вежис чужӧмбан:
Быдлаын выль школаяс,
Читальняяс, больничаяс,
Клубьяс да магазиньяс —
Быдтор аддзан тан.

Котӧртӧны школаӧ
Сиктса йӧзлӧн челядьныс,
Сералӧны, дзольгӧны
Нимкодяситыр.
Ичӧтысянь югыдлань
Туйсӧ налы восьтӧма,
Некод оз ло на пиысь
Важ моз пемыд мыр.

Кыпыд уджӧн, зильӧмӧн
Вӧльнӧй Сӧвет му вылын
Ассьыс шудсӧ ёнмӧдӧ
Быд колхозник ёрт.
Дзормӧм пӧляс, пӧчӧяс
Шензьӧны да шуӧны:
«Ӧнӧ весиг томмӧдчас
Ми кодъ пӧрысь морт!»

КУИМ ДРУГ

Геня, Славик да Серёжа,
Куим школьник, куим друг
Тӧндзи шулісны, мый некод
Налысь дружбасӧ оз дзуг.

Ӧтчид мӧдӧдчисны найӧ,
Гожся лунсӧ коллигмоз,
Мӧдлапӧвса видзьяс вылӧ
Вотны сэтӧр либӧ оз.

Видзьяс вылын тайӧ кадӧ
Некӧн ловъя морт эз вӧв.
Сулаліс сэн уна зорӧд,
Ворсіс турун чирӧн тӧв.

— Страдна эштіс,— шуис Геня.—
Эз и кыссы сійө дыр.
Эстөн, көні джуджыд сёныс,
Юрьяс кыскалі ме пыр.

— А ме курті,— кайтіс Славик,—
Буретш тані, кывзы, Гень.
Сыысь пасйисны колхозад
Меным кызь кык трудодень.

— А ме таялі дас зорөд,
Турун, төдөмысь, оз пөд,—
Шуис ёртыслы Серёжа,
Сэсса содтіс мунан өд.

Өдйө восьлалісны водзө
Куим школьник, куим друг.
Зорөдьяссиянь налы паныд
Төлыс вайис чөскыд дук.

Небесаын ломзис шонді,
Би кодь югыд, би кодь гөрд,
Жарөн лолалө да дзирднас
Окалө став видзлысь эрд.

Славик индіс: — Эстысь, сёнсыс,
Озйыд сюрлывліс нин мем,
А со сәні, васөдінас,
Зэв уна сьөд сәтөр эм.

Геня сылы вочавидзис:
— Медся муса меным оз.
Сійөс зіля мөда вотны,
Тырта чукойөн ассыым доз.

Юрнас пыркнитіс Серёжа:
— Да и сәтөрыд зэв бур!
Сійөс сакарөн кө пуан,
Сыысь чөскыдыс оз сюр.

Тайө здукө омоль делө
Казялісны куим друг:
Өти зорөд йөрө пырис
Уна мөс да уна кук.

— Кывзы, Геня, өдйө-өдйө
Гортө котөртлы тэ бөр,
Пыр жө мортөс татчө вайөд
Потшны тайө зорөд йөр.

А Серөжалөн да менам
Тані лоас өти мог:
Видзны скөтысь турун зорөд,
Кытчөдз корөм морт оз лок.

Сэтчө содтыштіс Серөжа:
— Тэнад, Геня, кокыд чож.
Төв моз лэбзы! Аски вотчам!
Сэтөрыд өд оз на вош...

Муніс Геня, а збой Славик
Да Серөжа сәні пыр
Видзисны колхозной турун,
Кышyd песня сьылігтыр.

Коркө рытнас сэтчө воис
Том колхозник, тэрыб зон,
Сылөн уджыс регыд эштіс,
Потшөс лоис ёнысь-ён.

Долыд вөлі куим друглы,
Ворсіс сьөлөманыс би:
— Мед көть сэтөр воттөм лои,
Зато зорөд видзим ми!

ВАНЮК

Дзоля Ванюк эз на төдлы,
Кутшөм велөдчөмыд эм.
Гортысь некытчө эз ветлы,
Чайтіс овны тадзи нэм.

Өтчыд мамыс сылы шуө:
«Пасьтась, Ванюк, муса пи.
Тэнө школаө ме нуа,
Тшөтш и мунам сэтчө ми».

Ванюк бөрддзис, Ванюк
повзис.

Сійө вывті вөлі рам.
«Со пө олөм менам овсис!
Кытчө нуө менө мам?»

Нинөм тэныд, Ванюк,
бөрдны.
Омөлинө тэ он сюр.
Тэнө некытчө оз йөртны,
Тэныд югдөдасны юр.

Тэныд велөдчөмыс колө,
Кыдзи лэбачьяслы борд,
Коді школаясө волө,
Сійө овлө шуда мөрт.

Сэтшөм мортыд оз нин төдлы
Пемыд олөм, гажтөм лун.
Ванюк, велөдчыны ветлы,
Югыд туйөд водзө мун!

ШКОЛАЫН

Талун, вокөй, меным лои
Мунны школа өшинь увті.
Кор ме школа весьтө вои,
Восьса өшинь водзө сувті.
Уна челядь вөлі сәні —
Ставныс шаньөсь, шылъыд
юра.

Ачыд төдан, найө өні
Овны велөдчөны бура.
Төдан, вокөй, тайө школа
Пемыд йөзлы — югыд шонді!
Гажөн тыри менам лөлөй,
Кор ме кывзыны сән понді.
Гижөм вөлі налөн мунө:
Быдөн кутө киас перө,
Быдөн гижө мыйкө уна,
Перө кокныдыка вөрө...

Сэсса велөдысьыс шуис:
«Төдны школьникъяслы колө,
Кытысь лои-чужи муыс,
Коді көні кызди олө!»
Кутіс висьтавлыны сійө...
Дыр ме сулалі да шензи.
Татшөм төлка морткод, пиө,
Ми вок, буракө, он вензьи!
Сэн ме кылі, вокөй, кызди
Муыс шонді гөгөр ветлө.
Ентөг артмөма пө сідзи.
Енмөс ыдждөдлыны петлө!
Сэсса кылі, төдны понді:
Көні лымйыс во чөж усьө,
Көні би моз сотө шонді,
Битөг сёянторйыс пусьө.
Көні эмось ыджыд карьяс;
Көні миян моз оз овны;
Көні озырьяс да царьяс
Вирсө кисьтны оз на повны.
Унатор ме кылі, вокөй,
Унатор ме төда өні.
Эз и мудзлы эськө кокөй,
Көть ме рытөдз олі сәні.

ВЕЛӨДЧӨЙ, ЧЕЛЯДЬ

Велөдчөй, челядь,
Югдөдөй юр.
Велөдчөм вайө
Тиянлы бур.
Понданныд төдны
Быдсяма тор:
Шондыс, муыс
Лоөма кор;
Гожөмын мыйла
Гымалө гым;
Ар бөрын кытысь
Локталө лым;
Көдзтөгыс кызди
Ләптысьө вөр;

Кысь сэні лоӧ
Пӧтка да зверь;
Му вылын кутшӧм
Дивӧяс эм;
Мый вӧсна йӧзыс
Уджалӧ нэм.
Понданныд тӧдны
Омӧль и бур.
Велӧдчӧй, челядь,
Югдӧдӧй юр!

МАМ И ЧЕЛЯДЬ

Коді челядь вӧсна шогсьӧ,
Челядь гӧгӧр зӧля ноксьӧ,
Видзӧ найӧс вой и лун,
Ылӧ на дӧнысь оз мун?

Налӧн муса мамыс!

Коді на вӧсна и олӧ,
Найӧс кывйӧн дойдны полӧ,
Сетӧ чӧскыд сӧянтор,
Аслыс водзӧссӧ оз кор?

Налӧн дона мамыс!

Челядь быдмӧны кӧ бура,
Оз кӧ лоны пемыд юра,
Коді сэки медся рад,
Оз и аддзыв гажтӧм кад?

Налӧн зарни мамыс!

Оз кӧ челядь шаня овны,
Лӧксӧ вӧчны оз кӧ повны,
Коді жугыльтчӧма сӧк,
Быттӧ арся лунӧ кӧк?

Налӧн коньӧр мамыс.

МОЙДОМ

Тӧвся войын ӧшинь сайын
Кӧдзыд вой тӧв жургӧ.
Мыйкӧ сьылӧ, мыйкӧ горзӧ,
Код вылӧ кӧ мургӧ.

Шоныд паччөр вылын челядь
Көдзыдысь оз повны.
Пөрысь пөчкөд, муса пөчкөд,
Лөсьыд налы овны.

Пөчыс чуня кепысь кыö,
Ассьыс уджсö вöчö.
Эз на некор прöста пукав
Паччөр вылын пöчö.

Челядь видзöдöны, кызди
Пöчлөн уджыс содö.
Öти шуö: «Кузь на войыс.
Огö на ми водö».

Мöдыс шуö: «Кепысь кыан,
Муса бабöй, пукты.
Сэссия шойччигмозыд мөйдышт,
Уджавнытö дугды».

«Мөйдышт, мөйдышт, муса
бабöй! —

Коймөд-нельöд горзö.—
Зіля кывзыны ми кутам
Тэнсьыд мойданторсö».

Пуктіс пöчö кепысь кыан.
Мый нö накөд керны?
Челядь виччысьöны мөйдөм,
Ку пытшкö оз төрны.

«Мойда, мойда,— пöчö
шуö,—

Пукалöй да кывзöй:
Ичöt Сашö, ичöt Машö,
Ланьтöй, энö чивзöй!»

Паччөр вылын челядь
ланьтіс.

Пöчлөн гөлөс кылö.
Мөйдö сійö, кызди вöрын
Ручыс олö-вылö.

Кызди ошкөд мужик-мортыс
Öтүв сёркни көдзис.
Кызди көнкö зарни чери
Ыджыд дивö вöчис...

Пöчлөн уна мойданкывйыс.
Помыс налөн ылын.
Лөсьыд челядьыслы овны
Шоныд паччөр вылын.

Өшинь сайын көдзыд вой төв
Ёнджыка на жургө.
Пырны керкаө оз вермы,
Сы вöсна и мургө.

СЁРКНИ

Көдзис пöльö сёркни,
Быдмис сёркни ыджыд,
Сэтшөм ыджыд сёркни,
Кутшөм эз на вөвлы.
Сёркни пöльö кыскö —
Кыскыны оз вермы!

Пöрысь пöчöс пöльö
Отсөг вылö корö.
Воис пöрысь пöчö
Отсөг вылö пöльлы.
Кыскöны нин кыкөн —
Сёркни оз и вөрззы!

Корис сэки пöчö
Нывлысь ичöt нывсö.
Тильсьöны зэв зiля
Ыджыд сёркни гөгөр.
Оз и вөрззы сёркни,
Куимлы оз сетчы!

Нывлөн ичöt нылыс
Корис сэки понсö.
Кутчысисны нельөн
Öти сёркни корйö.
Сёркни вылö налөн
Оз на судзсы вынныс!

Понйыс сэки корис
Отсөг вылö каньсö.
Надзöникөн локтiс
Шыльыд юра Машук.
Мырсьöны нин витөн —
Оз на кыпты сёркни!

Ветлiс сэки каньыс
Рыныш дорö шырла.
Шыркөд сэки лои
Сёркни перйысь квайтөн,

Шыркөд налөн вынныс
Бура уна содіс.
Кутчысьёма пöльыс,
Кутчысьёма пöчыс,
Кутчысьёма нылыс,
Кутчысьёма понйыс,
Кутчысьёма каньыс,
Кутчысьёма шырыс,
Кутчысисны квайтөн —
Нетшыштисны сёркни.

МЕДЯ ИЧӨТ ЗВЕРЬ

«Сьökыд менам олём,—
Шуис öтчыд көч.—
Некод меным бурсö
Коньөрлы оз вöч.
Ручыс менö сөйö,
Кыйö менö морт.
Ог ме весиг тöдлы
Ассьым шоныд горт.
Вөрьясын ме, коньөр,
Медя ичөт зверь.
Меысь, поэö шуны,
Ичөтыс оз төр.
Татшöм сьökыд олём
Абу выя нянь.
Муна ваö пыра,
Мучитчыныд шань!»
Синва көчлөн киссьö,
Мөвпыс абу бур.
Мунö сийö ваö
Суйны ассьыс юр.
Кыркөтш дорас сэки
Пукалöма шыр.
Повзис сийö көчысь,
Пышйис пырысь-пыр.
Шырлысь пышйöм аддзис
Көчлөн гөгрöс син,
Долыд лои көчлы,
Соді сылөн вын.

«Эм на тай, со,— шуө,—
Меысь ичөт зверь.
Позьö на мем овны,
Бергөдча ме бөр!»

Косьмис көчлөн синва.
Ваö көч эз пыр:
Медся ичөт зверыд
Вөлөма тай шыр!

ИЧӨТ НЫВЛӨН СЫЛАНКЫВ

Мыйла нө оз кывсы
Ичөт нывлөн гөлөс?
Сыланкывсö сійö
Төдö унапөлөс.

«Кывзöй,— сійö шуис:—
Заводита сывны!»
Ылө-ылө кутис
Гөлөс сылөн кывны:

«Гажа садйысь локті,
Котөрті ме öні.
Гөрдөдөма, кисьмө
Чөскыд өмидз сәні.

Ловзөдісны сійөс
Зэр да югыд шонді.
Жугылытчыны арөдз
Сійö оз нин понды!..»

Ланьтіс, эз кут кывны
Гөлөс ичөт нывлөн.
Матіник и вөлі
Помыс сыланкывлөн.

Басняяс

ГРИША ДЯДЬ ДА КӨИН

Потш кералігөн аддзис Гриша дядь,
Кыз мисьтөм көин личкис сылысь ыжсө
Да ыжлы бокас сатшкис лэчюд гыжсө.

Дерт, Гриша сәні пузис сынисады:

«Ак, ад горш, мый тә вөчан?

Ак, яндысьтөм тә син!

Тә мыйла кусө өсьтукыслысь лэдзан?

Тан тэныд абу бальө начканін!

(А көин ыжлысь горшсө йирө

Да пиньнас пыдөджык на пырө.)

Ой-ой, эн вөрзбөд, муса зонмөй, эн!

Бур сямыд тэнад көн?

Тә мыйла ловъя ловсө пөдтан?

Эн, дона көин, дур.

Мун мукөдлаө корсьны кынөмпөттө

Да балюкөс эн пур!

(А көин косялө нин коньөр ыжлысь кусө

Да пөсь вир-яйнас лякөсьтө съөд мусө.)

Ой-ой! Ой-ой!

Эн ставнас сөй!

Тә збыль тай вөлөмыд рөзбой!

Ме та бөрын ог казътыв тэнө бурөн,

Пыр понда тэнө шуны: вөрса шыш!

Мед тэныд эськө вөйны көнкө нюрын

Да шөрипөв мед чегас тэнад мыш!..»

Дыр таdzi Гриша көин водзын бөвгис

Да лэдзис чорыд сөт.

А көин ыжсө помаліс да довгис,

Дзик голяөдзыс пөт.

Ме эськө вөзйи кодлысюрө

Со кутшөм индөд босьтны юрө:

Куш больөдчөмнад нинөм сән он кер,

Көн колө шы да чер.

САМОВАР

Выль самөвар
Трубасьыс лэдзö пар,
Зэв яра варгö-пуö
Да пызан вылö кыпöдчöмөн шуö:
«Ак, кутшöм мича менам чужöмбан!
Ме тан
Став мукöд пöлöс дозмукъясысь дона!
Öд быдөн вермас гөгөрвоны,
Мый көн ме югъяла да пуа-варга тадз,
Сэн позяс шыбитны став гырнич, пöрт да рач!»
Тшап самөварлы вочавидзис
Сьöd чугун пöрт:
«Ме шензя, мыйла ошйысян тэ сідзи.
Тэ мича, дерт,
Но пузьöдны куш васö сöмын верман,
А ковмылас кө пуны шыд да рок,
Тэ дзик пыр йөрман
Да шогмытöмөн лоан гөгөрбок.
Быд дозмуклөн эм аслас удж да мог!»

Оз уна бурыс сэтысь чукты,
Кор пуксяс веськöдлысьö асьсö ошкысь морт:
Пыр чатöртöма нырсö татшöм ёрт,
А мукöдъяслысь уджсö пыдди оз и пукты.
Куш больгöм вылö сöмын сійö яр,
Кыдз пузьöм самөвар.

СИЗИМ УР ДА ГАЙКА

Колхозник Якö
Тшак вотны ветліс ягö
Да öктіс рыжик куим гоз.
Сэсь гортö локтігмоз
Пыр ропкис: «Лёк жö сямьд тайö туйлөн!
Со кутшöм няйт! Он таті öдйö тюр!»
А видзöдлас да, куйлö
Туй шöрас деньга — сизим ур.
«Ак, — сувтіс Якö, — босьтны тайöс лоас!
Кöть сизим урыд вывті ичöt сьöм,
А сизим көрöб истög шедас мем.

Дерт, этша барыш татысь воас,
Но кольны аддзёмтор оз позь.
Мый тэныд сюрё, сійёс босьт!»
Тадз шуём бёрын сизим урсё лэптіс
Да суйис зептас,
А сэссия, зепсё кутігтыр,
Туй кузя водзё муніс пыр.
«А тайё мый нин? — бара сувтіс Якё.—
Мёд, гашкё, сизим ур? Да часлы... Тьфу, лешак!
Тан куйлё гайка, няйтён лякём,
Кыз бытьё ыргён юра гаг.
Тан неважён на трактор вёлі кылё.
Дерт, сідзкё, тайё гайка сылён.
А усьёма кё, абу меным шог.
Од трактористлён тайё мог!»
Эз сэссия сэні Якё мёдтор бовгы,
Эз лэпты гайка, гортё довгис.
А тайё вошём гайка вёсна дзик
Колхозной трактор сулаліс лун кык.

Кён гөгөрвотёмъясыс эмось
Да налён омёля кё уджалё юр вемыс,
Сэн медся лоас бур,
Кор налы югдөдыштан юр.

ТОРГУН

Вөв котыр өтчыд сэтшөм сёрни паніс:
«Зэв ылысь, ёртъяс, колё вайны зөр.
Ті асьныд төдад, миян тані
Вель уна пөрөдөма кер.
А зөртөгыс оз ёнмы миян морёс,
Оз понды ветлөдлыны кок.
Вөр кыскём дзикөдз орас,
А татшөм делё вывті лёк.
Ми, сідзкё, ёртъяс, аски зөрла мунам,
Көть сьёкыдторйыс лоас уна:
Од туйыс няйтось да и кузь.
Мед некод аски дыр оз узь!»
«Ми огё аски — талун туйё петам!—
Сэн гөлөс лэптіс Торгун нима вөв.—

Быд доддѣ ми ветымын пудйѣн лѣдам
Да зѣла ветлам зѣрла куим пѣв!»
Вѣв чукѣр чуймис: «Мый тѣ лоин?
Ветымын пудсѣ ваян кыдз?
Тѣ, гашкѣ, кода турун сѣйин
Да сы вѣсна и сѣран сѣдз?»
«Тѣ кывзѣй менѣ! — Торгун гѣрдлѣ-горзѣ.—
Ме чайта, гѣгѣрвоад тѣ,
Мый выль ударникъясѣн вермам лоны ми.
А быд ударниклѣн пѣсь вирыс пуѣ-ворсѣ.
Ударник-вѣлыд, майбыр, оз нин дуд.
Ме ѣтнам босѣтча кыскыны сѣ пуд!»
Дыр ещѣ Торгун торгис сѣнѣ
Да тѣдчѣдѣс, мый ѣнѣ
Дышлунѣн овны некодлы оз ков,
Мый сѣйѣ ачыс сѣѣкыдысѣ оз пов
Да пуктас уджѣ асѣыс лов.
Вѣв чукѣр шуис: «Кызы вит пудйѣн ваям,
Кыдз тшѣктѣ миян вын».
Тадз шуѣм бѣрын мѣдѣдчисны найѣ,
А Торгун дзѣбсис гидня сѣйѣ
Да олѣс сѣнѣ сутки джын,
Мед сѣсь оз казѣв сѣйѣс конюхъяслѣн син.
Кѣр зѣрйыс воис, сѣки бара
Сюсѣ Торгун пондѣс торгыны зѣв яра,
Мый колѣ ѣдйѣ кыскыны став кер,
А зѣрла мунтѣм йылысѣ нинѣмтор ѣз гарав
Да дундытѣдзыс сѣйис вѣйѣм зѣр.
Вѣр кыскѣм пансис кыпыд горѣн,
Вѣв котыр мырсѣ вѣй и лун.
А Торгун оз и волы керъяс дорѣ,
Оз ѣртъяс дѣнѣ мун,
А сѣмын ылѣсянѣ вѣр кыскѣм вылѣ дзоргѣ
Да торгѣ, торгѣ, торгѣ, торгѣ,
Кѣтъ серав сы вылын, кѣтъ бѣрд...

Тан позьѣ шуны, дерт:

Бурторсѣ Торгунлысѣ ѣн виччысѣ,
Кѣр сѣйѣ ачыс уджыскѣд оз йитчы
Да кѣсйѣмторсѣ олѣмѣ оз пѣрт.

КОМ ДА ГЫЧ

Зэв збой да том
Сөдз визыв ваын оліс Ком.
Эз сійө дышөдчы, эз куйлы,
Пыр ветліс, корсис гажайн,
Лөнь вао нырсө эз на суйлы,
Эз аддзыв нюйтсө сылөн син.
Но өтчыл кызкө пырис сійө тыө,
Дзык быттө усис югынсянь рыб,
Да шензис сәні дыр:
Став тыыс няйтөн вөлі тыр.
«Тан,— шуө Ком,— мем нинөм керны,
Тан овны черилы оз позь,
Тан верман лягушаө пөрны,
Тась бурсө грөш дон он нин босът!»
«Эн увгы! — кодкө шуис сылы воча: —
Эн пальөд узысыяслысь ун!
Ми тані ставным узям вой и лун!
Ми весиг вөрзөдчывлам шоча!»
Оз аддзы Ком,
Кысь сёрни кылө, кодлөн вөрө вом
Дай юалө: «Тэ коді?
Тэ, гашкө, паськыд ёді?»
Сэк сёрнитысьыс висьтасьөма сідз:
«Гыч котыр тані ёдісө оз видз.
Ме тані — медся пөрысь Гыч!
Ме тайө тыын баксявтөдз нин олі.
Со менам вокъяс. Ставным куйлам ми.
Сөдз ваыс татчө некор эз на волы.
Эн дөзмөдчы, мун татысь, черипи!»
Том ичөт Комлөн сьөлөм пузё.
Зэв ыджыд дивө аддзө сылөн син:
Гыч чукөр, няйтө сатшкысьөмөн, узьө,
Дыш висьөмысь оз мын.
«Эн узьө, гычъяс, садьмөдчөй да чеччөй! —
Дыш черияслы горзө тэрыб Ком.—
Вай пальөдчө да мөдөдчамөй сэтчө,
Көн воөма нин пемыдыслы пом!
Сән югыл, гажа. Лөсьыл сәні овны.
Сән ваыс сөдз.
Збой визыв сэтчө гудырсө оз лэдз.
Сөдз ва пытшкын лёк сирысь оз ков повны,

Эн куйлөй дыр,
Вай чеччөй пырысь-пыр!
Сөдз васө корсьны оз ков мунны ылө.
Со тасянь шургөм сылөн кылө!»
Том велөдысьлөн шуөм вөлі бур,
Но өти гыч эз лэпты юр.
Дыш черияслы муса вөлі няйтис.
Сэк пөрысь Гыч став гычьяс пыдди кайтис:
«Эн велөд, Ком,
Тэ зэв на том,
Тэ пөрысьяслы индавны он вермы!
Мун татысь пет
Да узыны узысьяслы сет!
Мун өдйө, кытчөдз ме эг скөрмы.
Мед татшөм велөдысьыд миянын эз вөв.
Ми гудыринын олам шы ни төв!»
Тадз шуөм бөрын пөрысь Гычлөн нырыс
Сьөд няйтас пыдөджык на пырис.

Дерт, кодлы муса няйт да пемыдлун,
Сэк пальөдны зэв сьөкыд сылысь ун.

СЬӨЛА ДА ТАР

Гөрд пелысь сөйны дзоля Сьөла пуксис
Дай лэчкө дзугсис.
Дерт, сэтчө дзугсян кө, он мын,
Оз судзсы орөдчыны вын.
«Ме пөда, пөда!— коньөр Сьөла горзө:—
Ме ог нин адззыв локтан ар!..»
Сэк кыськө вывсянь муө лэччис Тар
Дай нерсигтырйи Сьөла водзын ворсө:
«Вай,— шуө,— мекөд лэбзям, ичөт өрт!
Да мыйкө оз нин кыпөд тэнө борд...
Тэ кызди вермин дзугсянинад пырны?
Көн тэнад синмыд, муса вок?
Тэ ачыд эськө татчө эн кө лок,
Бур олөм тэнад эз на вермы бырны!
Тэ мыйла лэчкад сюян юр?
Со ме тай, майбырөй, ог сюр!..»
Тадз шуөм кості коньөр Сьөла пөдис.
Да сералысьыд ачыс лэчкас шедис,
Көть вөлі вывти збой да яр...
Көн абу теш, эн серав, муса Тар!

СОДЕРЖАНИЕ

Кывбуръяс			
Тулыс	5	Куим друг	23
Смеджыка, вокъясöй, ветлöй	6	Ванюк	26
Коми му	6	Школаын	27
Югдiс нин, вокöй	9	Велöдчöй, челядь	28
Вогöгöрся олöм	10	Мам и челядь	29
Шондiа лун	13	Мойдöм	29
Геройлөн гортö воöм	14	Сёркни	31
Кывтö вöр	15	Медся ичöt зверь	32
Тракторист	15	Ичöt нывлөн сьыланкыв	33
Миян вöрын	16		
Мед дзирдалас шондi	17	Басняс	
Видз вылын	18	Гриша дядь да кöин	34
Первомайскöй	21	Самöвар	35
Колхознöй сиктын	22	Сизим ур да гайка	35
		Торгун	36
		Ком да Гыч	38
		Сьöла да Тар	39

Библиотека школьника

Михаил Николаевич Лебедев

ВЕСНА

Стихи. Басни.

На коми языке

Составитель С. С. Раевский

Художник С. А. Холопов. Редактор В. А. Попов. Художественный редактор А. В. Мошев. Технический редактор В. В. Потолицына. Корректоры: Э. С. Грегер, Е. П. Сидорова.

Сдано в набор 17/II-1977 г. Подписано к печати 25/III-1977 г. Формат 84×108¹/₃₂. Бумага № 1. Усл. печ. л. 2,1 (уч.-изд. л. 1,94). Заказ № 1724. Тираж 2000. Цена 10 коп. Коми книжное издательство. г. Сыктывкар, Дом печати.

г. Сыктывкар, Республиканская типография Управления по делам издательств, полиграфии и книжной торговли Совета Министров Коми АССР.

10 нбп.

Коми книжнӧй издательство 1977